




使蜀紀事



古歛張習孔黃岳

出都

萬里西川始此行  
駸駸四牡發神京  
弓刀結束



嚴僮僕筑缶悲歌動友生戀

闕心隨紅日遠  
思鄉淚共白雲傾  
捫參歷井今朝  
事爲憶青蓮百世情

旅意

物侯驚心急晷催殘年猶自逐征埃蘆溝月落  
水初結易水風高雪欲來古道荒墟聊弛節都  
城高燭正啣盃隨身一劍寒相倚夢引離思繞  
帳梅

謁帝堯廟

慶都

岩峩臺殿俯城陰瞻拜層堦肅易心當代無能  
名至極後生何敢測高深青緣壁甃藤蘿走翠  
隱簷牙柏栝沉斷碣文章多傑構何人磨洗認  
球琳

樂城道中

絲柳長廊裡蕭颺聽有聲王程嚴晚歲使事急  
宵征點雪遙山合生烽短堠明俯躬懷靡及不  
爲客思縈

卽卽過呂仙祠

五年六走卽卽道歲歲來瞻呂祖祠野岸殘陽  
幽若夢小橋流水宛如斯客顏易逐車塵老宦

便蜀紀事  
業將同馬足疲幻泡功名余自寤黃梁不用枕  
邊炊

相州訪銅雀臺不得有感

高臺何許憶登臨立馬環觀盡古今一代雄豪  
歸艸樹千秋文藻托蟲禽太行雨霽漳流急滏  
口雲來鄴郡陰野色蒼黃人不見荒原遺瓦費  
追尋

子貢祠

濬縣西鄙

野廟興何代殘碑字已稀壁蘿青穉小墀柏翠  
陰肥貨殖貽畱盡烝嘗歲事非行人辭落日隱  
約嘯蚺臈

淇澳

吾當四五齡已頌淇澳詩今來齒骨蒼乃得躬  
游茲封建故非昔泉流無更移悄悄認前蹤如  
立上古時邦君雅好學水竹皆多姿止今憑弔  
間致敬行遲遲歲月二千載逝者無還期士貴

樹芳脩水鑑恒于斯

江南故澤國予性狎焉自宦縻京邸今復  
奉使西川泳游之樂違之久矣道經新  
鄉縣見揚帆者宛如故土感觸境生爲

賦一律

千里黃埃障馬頭新鄉宛覩故鄉舟春波盡槩  
應難問夕照孤帆正絕愁歧遠謾思杭一輩經  
時已見露三洲何年獲遂江湖志蓼岸蘆汀理

釣鈞

渡盟津河懷古

銀潢曲注浪花摧弔古臨流使節迴野老已忘  
髻蜀過山川曾見鉞旄來荒祠日薄龍鼉嘯平  
楚風淒雁鶩哀拂拭豐碑稽往蹟興亡幾許重  
低徊

北邙山

彌望千墩錯淒哉古北邙暗聲穿雜棗酸照下

踈揚白骨豪華盡青山歲月長野童都不曉高  
唱暮驅羊

飲河南郡守楊愛竹署中

星輶喜見洛陽春萬里西征此故人陳子樓高  
予獨臥李公門峻爾偏親遍詢京國交情久共  
說

興朝聖澤新紅蠟再更華月滿深盃莫厭酒來頻

新安歎

新安縣屬  
河南府

新安古函谷地居秦豫衝窳門藉山趾高低錯  
頽墉我車暮投止意况殊惶惶謂是廢村墟不  
知爲縣封已有今來謁慘惻持深恭自言茲福  
邑四境惟蒿蓬多方勤撫輯始有人聲足聚民  
千六百鵠面頭顛顛三時率耕植尙艱給殮饗  
奈何當孔道搢搢劬上供牽車及荷役迎送無  
停蹤昨者解銀使夜至傳燎烽用夫二百餘傾  
城難應從罵官若奴隸督促詞洶洶夫足又索

錢托言酒弗醲怒囂恣鞭擊晷刻無寬容小民  
筋力盡皮破生創膿晝夜竭奔走何暇親樵農  
將見悉逃亡此地荆棘縱余聞中暗梗涕淚漂  
龍鍾生民鮮遺子百苦猶爍攻總徼賢今拊豈  
勝婪覲逢此曹亦人子爲我克僕傭旣然殫其  
力何忍加威兇作詩告後人幸各相申重凌晨  
驅敝轅耿耿行思慵

澠池道中

莽莽山間路迎車灌木鳴谷深行似墜沙迥望  
如高斷岸冰猶集層巖霧正殘柔心怯行役有

愧蘭君豪

澠池卽相如請  
秦王鼓缶處

發峽石

萬竈消亡後荒墟日數過顧瞻天日遠感慨雪  
霜多黑石崩危嶺黃沙捲涸河冥冥行若夢不  
憶所之何

其二

徂午餽無火將晡輟載膏計程稽廢砦問路得

空陶自新安迤西漸無屋室鳥雀疑都盡龍蛇

懼或遭牽車穿窈谷肅肅指寒毛

### 營窟行

嘗聞上古多穴處止與禽獸同蟠蛇音迤後世聖

人制宮室古風漸邈無畱遺塔堦堂雷殊制度

升降進退生禮儀斯民久矣離土穴地寢反致

成癩痺我從使蜀道澗陝所見絕怪非恒思懸

崖陡立遍山麓皆有竇窟隨高卑半規滿月憑

意造一望錯布如圍棋時聞人聲出其內知有

官過伸頭窺垂梯仄磴達鄰里鑽攀熟溜猶狐

狸提孩抱甕見婦女亦復粉墨塗顧詹穴中苦

不甚深廣約可平布三蠶箕一家每穿四五穴

各置薪粟施牢峙土床石几適坐臥椀勺麓樸

非南甕嶠函千里鮮瓦屋崖窰多者稱蕃孳余

時度嶺天已黑解裝入洞肱支願人言此窰推



上等特備官府臨非時聞言不覺啞然笑事不  
親歷誰能知天都治屋甲海內飛樓峻閣光參  
差余家數椽獨卑陋對客每自懷忸怩今來土  
穴竟安寢乃識性習隨遷移夏蟲無冰亦耐熱  
蓼蠹茹苦翻如飴迷樓西苑又則厭矜華闢麗  
何窮期自茲居處隨所適衛荆千載真吾師

函谷關

在靈寶縣此秦關也  
漢函谷在新安縣

汨汨河流混亂埃崇岡深谷亦雄哉文王避雨  
陵生樹老子傳經石掩苔牛後諸侯長嘆息雞  
鳴客子獨歸來千秋陳迹都難問縱有泥丸只  
劫灰

潼關

盤空岬嶸倚雄關地險由來未易攀山勢陡從  
千嶂落河流遙自五原還西連華嶽青霄外北  
望神京紫氣間天限東西風迥別征人衰髮幾  
成斑

同華陰令葉天木同年登萬壽宮望西岳

宮在西岳廟後有樓甚高迥對西岳正面峰嶂歷歷可數道士云廟距山十里然望之甚近若數武耳

坡公謂身在山中峰嶺不辨迷西東我今身在  
華山外如立塔祀觀屏風攢霄劃漢數百里三  
峰縹緲尤稱雄中峰端儼表尊長左右拱向含  
謙冲旌旄旗戟各森衛高下萬鏐雕青空危樓  
騁眺亦甚適喜無纖翳遮雙瞳手招列嶂霍然  
嘯奕奕疑有神靈通聞之巖壑幽怪絕欲登無  
奈王程匆惟觀崖壁植仙掌巨靈揮手磨蒼穹  
中間瀑布落千仞天紳飄曳鏘珩璫人言讀書  
速易盡我今對此將無同安得羽翰生肘腋飛  
攬日月凌巖嵒

驪山

數曲青巒老柏圍故宮遺址認依稀華清艸樹  
春烟寂繡嶺莓蕪夕照微禽鳥有情風景別山

使蜀紀事 九  
川無恙月明歸翠華去後笙歌歇賸有溫泉咽  
斷磯

浴溫泉十六韻

誰把陰陽炭終天煮碧涯配離盃若甌習坎聚  
成注甃石依山曲支亭併日遮火龍潛岸窟朱  
雀護灘沙袞似千烽灼楊妃萬燭奢蒸崖迷雉  
兔徹底絕魚鰕不作炎涼異寧隨旦暮差解衣  
投已適翻悅沃彌嘉玉液融肌髓醍醐漱齒牙  
沒泗疑挾纒浮沫儼乘艦賜谷春含旭虞淵午  
沸霞笑吹波捲縠戲擊浪跳花瑩體思裁葛清  
心廢啜茶豈徒形釋垢直使念無邪澤比湯盤  
久膏踰禹鼎賒春臺常浩浩未劫歷年華

長安畱別東山

時東山亦以  
賔論至陝

四牡待長發黯黯持離尊彈鋏吐浩歌慷慨驚  
心魂屬有夙世緣與子稱弟昆迢遙萬里別慰  
藉手重捫子行馬首東詩酒樂故軒我攀蠶叢

伊何時雨雪霏楊園  
路雲棧陰飈翻相對只俄頃中梗不盡言聚首

途次雜吟

邈矣乾坤大驅車落日邊  
百城連地脉萬里歷  
星躔昨日山猶在今朝路復然  
悠悠無息駕終必到西天

其二

道路爲家室相看只麥畦  
僕饑偏少市車瘡反多泥  
入堡詢前站尋碑洗昔題  
喜聞來縣卒破鼓候前溪

其三

掣曳衣裳舊摩挲髮髮新  
惜疲愁策馬忍苦懶  
千人霧過全身雪風來一  
面塵臨流驚自照浣濯已逾旬

其四

似斗山城裡賓來托數椽  
竈空鄰犬臥牖滑廟

孤穿苦酒疑和藥昏茶尚帶烟略無門壁在欵  
枕看星天

其五

遑迫如逋子脩程日再并聞雞扶病起下馬忍  
饑行慰僕多甘語思家鮮壯情十年身似鶴摠  
是悞微名

其六

困窮隨處得稟賦與人殊播越千山外漂零半  
世徂噴膚憎蟣蝨便勝喜驢駒萬里歸朝後  
稜稜表丈夫

其七

野砦春增壘荒城午閉門地磽人喜獵縣小令  
多村病肺難求藥湔肌鮮遇盆幸餘山色好賴  
此遣晨昏

其八

清癯元素質邇更骨如鯁客久指無甲人窮鬚

使蜀紀事  
落頰礪甘千嶂石照寫一枝梅鐵履行穿日珊

珊掉臂回

入連雲棧

棧道北自寶雞入南自褒城出內經鳳縣武關共計六百里自

寶雞入棧七十里至秦嶺嶺北水北流出棧口會渭源入黃河嶺南水南流百

三十里至鳳縣會郿縣深山來水一股由城下西流過徽州兩當復轉至畧陽

陽平入廣元為川江自鳳縣西南百里至紫柏山有小水南行至武關會褒谷

溪水出棧口至漢中會嶓冢之水為漢江由此言之渭源漢源皆合棧中之水

而成而秦嶺南水實為三江大源之一棧道固中條祖龍之脊也稱曰連雲洶

不誣矣

路入陳倉紫翠重仙梯面面削芙蓉雞冠陡瞰

奔河瀑鳳味高啣挂壁松嶺表風悲增百感天

涯日暮望孤峰臨頭只尺丹霄近杖影嶙峋欲

化龍

其二

挾轡牽輶跬步難遮眸層碧總噴岈盤空颭颭

皴肌慄俯壑幽幽灑髮寒老樹每呼携子狄深

傳眉綺事  
三  
箐忽走避人穉叢巖窈谷行無盡僅有青天一  
線看

棧道雜吟

仄磴凌霄隱飛梯百丈懸岫雲低作雨嶺樹細  
成烟身世離諸有人寰隔大千我何爲至此自  
顧竟茫然

其二

地迥雍梁隔天低井鬼分舉頭呷懸澗俯手拾  
崩雲電激罡風駛雷翻野火礮鍊成金骨老禹  
穴探靈文

其三

日日連雲棧何時過盡休窺岩疑有屋藏壑竟  
非舟海市烟霞變仙都水石幽經旬長辟穀羽  
腋欲高浮

其四

欲探雲生處同行共怪啣攀蘿人作鳥失路馬

爲師調指絃巖溜敷跣幕壁絲山靈應不恨千古一相知

下鳳嶺自青紅舖至三岔

萬疊丹屏折迴環態不窮夏雲奇出海仙掌巧  
擎空太古發靈異乾坤顯化工相看絕言論却  
笑米南宮

仲春至興元張太始明府招遊漢臺偕薛

德林周辰岳衣玉京諸郡僚分得高字

百花深處古臺高萬里披襟俯漢臯天近元龍  
樓自迥月明庾亮興逾豪群公敷政多閒日使  
客參遊屬異遭咲指江波飛若練泠泠清況類  
吾曹

漢源 在寧羌州

曩觀大別山洪浸終古滌漢水經其左波聲撼  
巉壁浮浮滙東南勢與大江敵巨艚驅高桅掀  
簌懷怵惕今年適閬中棧閣困羈勒但窺懸瀾



下水石紛射激

棧道中褒谷之水出雞頭關經褒城縣與漢水匯

沿流

達漢臯原野漸寬逖西行復溯源雲巒再相覲

自漢中西上皆循漢水而行過沔縣抵金牛驛漢水之源止于此矣

峩峩嶓冢山

綿亘齒虹霓岩壑出微泉砂草噴淅瀝鳥飲僅

沒味豕涉不濡躅以視漢陽濤豈屑此涓滴天

地坼吳楚坤軸憇淪溺寧知彼卽此一體未分

析先王昔祭川禮數別支嫡惟其重根本斯義

久昭晰人生非遠遊攷究胡由的遐哉隨刊功

千古思禹績

嘉陵江

隆冬度燕趙浹月越關陝陸馳四千里得水意

方憚放船清江曲急疾行匪漸地偏境奇怪篙

槳穿洞广開波立叢石拏攫勢獰獾掉舵捷呼

吸飛鏃發彎屨寸舩齒石角虿粉在儵閃僕夫

色無主群伏氣息奄孤臣去國久漂播類流貶

念承先人遺奈何屢瀕險掀篷風策策雨意淒

使蜀紀事  
有滄擁被聽陽侯生平自料檢

登朝天嶺絕巘

雲根盡處是青天界斷秦巴幾歲年龍象作宮  
還宛爾魚鳧開國已茫然手斲石髓都成雪口  
吸丹旻不食烟今古何人曾到此自將姓字勒  
層巔

金牛驛

山橫萬疊金牛嶺水激千盤灑潏堆造化另教  
成世界人工強使入綏徠冠裳幾易蠶叢沒城  
郭猶存杜宇哀一自五丁多事後至今馬骨日

他體

抵蜀

夢想西川境朝來已入川瞿曇成佛日措大得  
官年歷險心猶震懷奇目重誕干戈留廢井艸  
樹暗陰田倚杖山川異登臺景物遷病餘依敝  
榻勞劇愜危椽落枕巴江水平牕劔閣天固知

身在客聊當故鄉旋

范用卿僉憲招遊閩中南郊同王方伯安

之李少叅若許飲于江外錦屏山

步躡巍峯振客塵空霄皎旭暢遊身百年對酒  
江山老萬里看花耳目新天外友朋憐好日劔  
南兵火剝殘春藩垣共賴旬宣力錦嶂何須問  
水濱

在巴西值兵事

客履挂天末干戈復震師地偏胡用武天定豈  
乘時宦典輕蟬翼鄉愁攪繭絲江南猶萬里盼  
斷到家時

大中丞李公招讌

元臣府第壓巴瀟華讌重開降禮深黃髮俯籌  
經國志緇衣尤篤好賢心春風棨戟龍門敞夜  
月歌鐘虎帳沉塲藿野萃堪再詠締交千古重  
南金

小木天

錦屏之麓有空樹甚奇內可布四席東  
西兩戶南北兩牖中空透天若井幹枝  
葉四垂蓋千餘年物也惜無佳名余稱  
爲小木天并紀以詩

飮露酣霜不記年嶙嶙秀拔錦江邊胸中空洞  
元無物頭上光明自有天老幹欲招棲鳳語深  
根獨抱蟄龍眠屏山好景多蕪沒爭似貞柯歷

襍傳

虎跳驛

嶽確虎跳驛垣礎何縱橫春江瀉薄日斷岸銜  
殘明嘉候感百物遙枝應鷗鷺悄然獨登眺悲  
緒紛以迎先氓久暴骨野蕤猶敷榮傷無返竟  
術去去毋留行

病起

瘦骨疑銷盡亭亭怯細吹萬山遮驛路一艇繫

江湄得喪虛如泡存亡脆若絲可憐漂異土孰  
爲報親知

其二

扶杖離祠榻伶俜尚未能求醫推里姬乞茗請  
巖僧惡夢心旌召衰情耳磬微慈親應不識目  
斷碧天層

回漢中

漢水依然綠東回喜復過岸蘆春戢戢村樹午

羅羅饁女筐歸菌耕夫鋪寄蓑田家風日好爲  
憶故山阿

諸葛祠

漢沔風塵古荒祠落照間瓦漂大丙穴草接定  
軍山蒼鼠崇垣靜斑鳩斷楠閒薄吟梁父句攬  
轡一潛潛

漢中朱氏出文衡山墨蹟索題

衡翁墨妙天下奇半縑幅同龔龔先朝收

江湄得喪虛如泡存亡脆若絲可憐漂異土孰  
爲報親知

其二

扶杖離祠榻伶俜尚未能求醫推里嫗乞茗請  
巖僧惡夢心旌召衰情耳磬徵慈親應不識目  
斷碧天層

回漢中

漢水依然綠東回喜復過岸蘆春戢戢村樹午

羅羅儘女筐歸菌耕夫鍤寄蓑田家風日好爲  
憶故山阿

諸葛祠

漢沔風塵古荒祠落照間瓦漂大丙穴草接定  
軍山蒼鼠崇垣靜斑鳩斷楠閒薄吟梁父句攬  
轡一潛潛

漢中朱氏出文衡山墨蹟索題

衡翁墨妙天下奇半縑幅楮同龔彝先朝收採

冥宮禁非在中秘何由窺乾坤至寶不自闕光  
怪發越恒陸離變遷水火不能壞遂有流播人  
間時朱君所蓄更高特湖山絕處連新詩精光  
神氣繞筆墨烟雲變幻騰蛟噴衞人偶來睹真  
蹟摩挲塵眼心愉怡漏痕釵股細尋繹言論斷  
息惟嗟咨君家翰墨號克棟此卷未易爭雄雌  
短章聊以誌殊慕豈云賞譽隨阿私

平西王賜宴賦會

殿角曛曩燦曉光賓筵鐘鼓肅趨躡葡萄灑碧  
來西極玳瑁攢金出上方自勉遁思期未夕長  
慚酬獻鮮周行千秋知遇懷無已不惜尊前露  
酒狂

漢水舟行

放棹清瀾駛雲山冉冉過晴薰蘭芷岍春澗鷺  
鷗波遠樹荒城寂連峰廢寨多迎眸勞應接僂  
指數青羸

真官禁非在中  
怪發越恒陸離變遷水火不能壞遂有流播人  
間時朱君所蓄更高特湖山絕處連新詩精光  
神氣繞筆墨烟雲變幻騰蛟螭征人偶來睹真  
蹟摩挲塵眼心愉怡漏痕釵股細尋繹言論斷  
息惟嗟咨君家翰墨號克棟此卷未易爭雄雌  
短章聊以誌殊慕豈云賞譽隨阿私

平西王賜宴賦會

殿角瞳矐燦曉光賓筵鐘鼓肅趨躡葡萄灑碧  
來西極玳瑁攢金出上方自勉遁思期末夕長  
慚酬獻鮮周行千秋知遇懷無已不惜尊前露  
酒狂

漢水舟行

放棹清瀾駛雲山冉冉過晴薰蘭芷岍春濶鷺  
鷗波遠樹荒城寂連峰廢寨多迎眸勞應接僂  
指數青羸



其二

愁絕黃荆峽  
碎骨萬騎奔  
拍天風雨疾  
坼地電雷翻  
急起防崖逼  
驚呼隔浪喧  
莫言瞿瀨險  
只此足銷魂

其三

流水疑無路  
環環碧四圍  
林梢來日短  
石罅見天微  
野獸窺人立  
沙禽掠榜飛  
不知青露重  
小滴落蓑衣



